

وارلیق

VARLIQ

Dil Edebiyat ve Kültür Arařtırmaları Dergisi
Yeni Dönem. İl: 1, Sayı: 4 (Bahar 2016), ss. 3-4
Telif Haqqı@Varlıq Dergisi

سۆنۆش

• محمدرضا هیئت

دگرلی آراشیدیرماجیلار و اوخوجولار،

وارلیق درگیسی نین یئنی دۆنمی نین دۆردونجو سایسینی (۴-۱۷۶) سۆنماقدان موتولوق دیوروق. الینیزده کی سایب ایله وارلیق درگیسی نین ایکینجی دۆنمی نین بیرینجی ایلی تاماملانمیش اولور. درگیمیزین بو سایسیندا تورک دیلی، ادبیاتی و تاریخی، شعرده یئنی لیکچی لیک، قوتادغو بیلیک، شامانیزم، ادبی شخصیتلر و ایراندا تورکلرین کولتورل دورومو کیمی قونولارا یئر وئریمیشدیر.

اوستاد کریم مشروطه چی (سۆنمز)، دوکتور جواد هیئتین اؤلومونون بیرینجی ایلی دۆنومو تۆره نینده کی چیخیشیندا، مرحومون طب و ادبیات آلانیندا کی فعالیتلرینه توخوناراق، اونون یالنیز اورکلری تداوی ائتمه دیگینی، عینی زاماندا کۆنوللرین تداویسی ایله ده مشغول اولدوغونو ایفاده ائده رک، جواد هیئتین ایراندا تورکلوک مسئله سینده باخیش آچیسى حاقیندا دا بیلگی وئریر. حسن راشدی گونئی آذربایجان و ایراندا یاشایان تورکلرین مدنی دوروملاری باشلیقلى مقاله سینده، ایراندا تورکلرین نفوسو، یاشادیغی بۆلگه لر، تورکجه نین آنا یاسادا و اویقولامادا کی دورومو و موجود آیریمجیلیق سببی ایله توپلومدا کی فاصله لرین گنده رک چوخالماسی کیمی قونولارا یئر وئریمیشدیر. دوکتور شهرام پناهی مقاله سینده تقی رفعتین ادبی الشدیری قونوسوندا کی گۆروشلرینی آیرینتیلی بیر شکیلده اینجه لرن، او دۆنمه شعرده یئنی لیکچی لیک مسئله سی ایله باغلی فرقلی گۆروشلری و بو گروشلری تمثیل ائدن آخیملار و شخصیتلر آراسیندا کی تارتیشمالاری اله آلمیشدیر.

احمد آغا اوغلو اسلام دونیاسی و ایرانین گنچمیشده کی دورومونا بیر باخیش موضوعلو یازیسیندا، قاجارلارین سون ایللرینده ایرانین سیاسی، توپلومسال و کولتورل دورومونو طرفسین بیر شکیلده اینجه له مییش و او دۆنمه کی تورکلر و فارسلا حاقیندا اؤنملی تثبیتلرده بولونموشدور. سنوینج رهن الله روس ایمپراتورلوغو دۆنمینده ایلك مسلمان روحانی اداره سی نین قورولوشو و روسلارین مسلمان دین آداملارینی اؤزونه باغیملی قیلماق و بو توپلوملارین گله جکده کی استقلال ایستکلرینی انگله مک اوچون

بللی بیر دؤنمده دینی فعالیتلره ایذین وئردیگینی و بونون یول آچدیغی دورومو مقاله سینده ایشله میشدیر. عمر ائلچی اوغلو و حلمی اؤزمین اورتاق چالیشماسی اولان و محمدرضا محمدزاده طرفیندن فارسجا یا چنوریلن مقاله ده، سقراط ایله قوتادغو بیلگی یازاری یوسف خاص حاجبین حکمت و تقوی ساحه سینده کی اورتاق گؤروشلی اینجه لنمیشدیر. اؤنجه کی ایکی بؤلومو وارلیق درگیسی نین قاباقکی ساییلاریندا یایینلانمیش اولان شامانیزم و تورکلرین اسکی اینانجی مقاله سی نین مولیفی پروفیسور دوکتور سعدالدین گؤمچ، شامانیزم اینانجیندا یارادیلیش افسانه لری و فلسفه سیندی اینجه له مگه چالیشمیشدیر.

وارلیق درگیسی اوزرینده آراشدیرمالار یاپان دوکتور نزاکت اسماعیلووانین مقاله سینده، اونون تهراندا اولدوغو مدتده دوکتور جواد هیئت و درگی نین دیگر یازارلاری ایله گؤروشمه لریندن الده ائتدیگی تأثرات و دوشونجه لرینی مقاله سینده اله آلمیشدیر. هادی قاراچای، وارلیق درگیسی نین چئشیدلی آلانلاردا، اؤزللیکله ده اگیتیم و کیملیک مجادله سینده کی رولو حاقیندا بیلگی وئردیکدن سونرا، بو مجادله نین درگی نین ایکنجی دؤنمینده ده داوام ائتدیگینی، اوشاقلارا یؤنه لیک «تومورجوق» درگیسی نین ده چیخماسی ایله وارلیق درگیسی نین گنده رک گوجلندیگینی ایفاده ائتمیشدیر.

دوکتور پروانه ممدلی مقاله سینده حبیب ساهرین حیاتی و یارادیجیلیغینی، اونون تورکجه شعرده یئنیلکگر گتیردیگینی و شعرلرینده کی تصویرلرله سانکی تابلولار یاراتدیغینی بلیرتمیشدیر. محمدرضا هیئت مقاله سینده مرحوم دوکتور حمید نطقی ایله خاطیره لرینه اشاره ائده رک، اونونلا آپاردیغی مصاحبه دن یولا چیخاراق چئشیدلی قونولارداکی گؤروشلرینی آچیقلا یاراق، اونون بیلگه لیگین چاغداش اؤرنکلریندن بیر ی اولدوغونو گؤستر مگه چالیشمیشدیر. محمد رزاقی زنجانین صنعتچیلریندن اولان و اییبی تارچی آدی ایله بیلینن ابراهیم مرادی نین حیاتی، اثرلری و فعالیتلری حاقیندا بیلگی وئریر. عاشیق سلجوق شهبازی مقاله سینده ایران عاشیقلار بیرلیگی نین قورولوش آشاملارینی، بو یولداکی چتینلیکلری و بیرلیگین گؤردویو و گؤزه بیله جگی ایشلری قلمه آلمیشدیر. علی برازنده تورکجه داش باسما کیتابلاری اینجه له یه رک، سؤزلو ادبیاتلا ایلگیلی اثرلری و اثرلرین ایچینده کی رسیملری اؤرنکلری ایله تانیتماغا چالیشمیشدیر. محمد توتونجو مقاله سینده بوزقوردون تورک سمبولو اولاراق باتی قاینالاریندا ایلک دفعه ونیزلی سیاح مارینو سانودونون اثرینده یئر آلدیغی، بو اثرین ایسه میلادی ۱۴-جو یوز یازیلدیغی و اوراداکی رسیملرده بوزقورد رسمی نین بولوندوغو و تورکلری تمثیل ائتدیگی یازیلیمیشدیر.

خبرلر قیسیمیندا ایسه، آنکارا اونیورسیتیه سینده گرچکلشن ۶-جی تورکولوژی گونو توپلانتیسی و اورمیه تکنیک اونیورسیتیه سینده دوزنلنن «وارلیق» ادبی کیتاب سرگیسی نین خبرلرینه یئر وئریلمیشدیر ■